


PHARVS  
BENEDICTINA







SERIES ET NOTITIA  
TROCENSIVM  
ABBATVM,

ORDINIS S. BENEDICTI.  
ad conseruandum viridi & celebri recordatione Præ-  
decessorum (æuo succedente) decus.

*Concinnata*

Per A. R. D. STANISLAVM SCZYGIELSKI Ord: S. BENEDICTI.  
& ab eodem.

*Per illustri. & Reuerendissimo Domino,*

STEPHANO  
KOBIERZYCKI,  
ABBATI TROCENSI, PRÆPOSITO  
PIOSVNENSI,  
officiosè oblata dicataq;

*de licentia Superiorum.*

---

C R A C O V I Æ,

*Apud Heredes CHRISTOPHORI SCHEDEL, S. R. M. Typogr:*

*Anno Domini, 1668.*



In Stemma Gentilitium,  
*Perillustis & Reuerendissimi Domini,*  
**STEPHANI KOBIERZYCKI,**  
**ABBATIS TROCENSIS.**



Pande sinus generosa R A T I S super æquora, solers  
Te Nauarchus agit, siste procella minas.  
Hybernis parcant nimboſi flatibus Euri,  
Trocia lene Thetis ſub R A T E flecte caput.

Perillu-





## Perillustris & Reuerendissime Domine.

**R**odeunt in lucem, è diuturnâ obliuionis caligine. ABBATES TROCENSIS, meritis laboribusque, in & pro Ordine BENEDICTINO, susceptis, celeberrimi, & Tuum ambiunt patrociniū. Ad quem autem illi profundâ detriumphatâ nocte, virides deferrent vel aquius vel decen-  
tius laureas, quàm ad STEPHANVM KOBIERZICVM, ipso Nomi-  
nis auspicio, Coronas & Victorias denotantem, & clarissimâ ortum fami-  
liâ, Religionem Benedictinam in horizonte Lituamico maxime illustrantem?  
quem etiam, vti religiosis virtutibus omnibus, sic nobili aequè sanguine con-  
spicuum considerantes, in hoc Honoris ABBATIALIS fastigio, TROCIS  
sibi gratantur successisse.

Ac mihi quidem, viginti Antecessores Tuos ex ordine recensenti, my-  
steriosus ille Seniorum ante sedentem in throno procidentium, coramque  
viuente in sæcula, Coronas suas mittentium, ex diuinâ Apocalypsi occurrit  
numerus; in quem numerum adscriptos spero, eorumque sacro Senatui ac-  
censos, TROCENSES Archimandritas nostros, qui post deuictum sæculum,  
& superatos innumerabiles validosque Anima hostes, in arce aternitatis  
constituti, Coronas quas reportarunt, REGI SÆCULORVM venerabun-  
di substernunt: Te quoque in eundem sacrum numerum caelestis huius Se-  
natus libenter adsciscunt, & Stephanoma Empyreum Tuo Nomini, virtuti-  
busque debitum, deposcunt, votisque tuis indulgent, vt quo diutius in mor-  
talis vita stadio curras, eo quoque amplioribus & illustrioribus locuples me-  
ritis, in sacro dehinc Seniorum catu brauium gloriosus comprehendas.

Etsi verò superuacaneus forte alicui videri posset iste meus labor, quod  
illorum memoriam perituris chartis commendarim, quorum Nomina relata  
iam essent in fastos aternitatis: mihi tamen diuersa contrarium persuasit re-  
ligio, & erga Heroes, Maioresq; nostros debita veneratio; vt quos parum  
decoro silentio latentes deprehendi, eos ex latebris obliuionis in apertum pro-  
ducerem,



ducerem, & illorum nomina ipsa saltem, si non viuam effigiem, virtutesq;  
animi splendidissimas, calamo meo in gratiam posterorum representarem.

Quinquam non eam vim ingenij contigisse mihi scio, ut possim cuiquam  
laudem, gloriam, aternitatemq; tribuere: mea tamen Prelatis TROGENSIBVS  
voluntas studiumque (si aliquis harum rerum sensus in mortuis residet) gra-  
tum esse inprimis debet, quod optauerim, qua de illorum laudibus posterita-  
ti mandissem, esse aeterna, ideoque hoc illis praesidium ad immortalitatem  
nominis adipiscendam comparauerim. Sed adeo ab opinione meâ abest, ut  
credam, posse mea scripta vim mortis effugere, ut satis benè ac feliciter illis  
euenturum existimem, si semel adhuc in hominum conspectum prodire, atque  
aliquam, neque ita longam, communis usuram lucis usurpare contingat.

Caterum, eum me esse intelligo, qui oratione meâ obscurare, quam illu-  
strare facilius clarorum virorum laudes possim: ut proinde id vehementer  
cupiam, ut feliciori, quam ego sum, ortis ingenio, hanc DEVS mentem  
inijciat, ut Maiorum nostrorum laudes, quos doctrinâ & pietate ceteris præ-  
stitisse didicimus, monumentis ac literis mandare constituent.

Tibi verò PERILLVSTRIS & REVERENDISSIME DOMINE,  
hunc meum laborem in recensendis Antecessoribus Tuis religiose susceptum,  
oblatum eo: in quo omnium comprehensa decora decessorum feliciter illu-  
xisse, praesens nostra gratulatur atas, & cuius ego adfectum multò luculen-  
tissimum in me experior: pro quo beneficio, ut paruum aliquod redhostimen-  
tum exhibeam, meiq; grati animi amicum reponam symbolum, hoc Tibi  
de TROGENSIBVS ABBATIBVS conscriptum à me Syntagma repre-  
sento. In quo catalogum bonorum eorum quæ in Te benigna fortuna ple-  
no cornu effudit, non texo, quia palpari nunquam didici: virtutum quoque  
Tuarum insignem periodum breuiter percurro, ne ledam animi tui religio-  
sam modestiam. Hoc tantummodo volo extare gratitudinis monumentum,  
ut cognoscant omnes SZCZYGLIESCIVM scire beneficium accipere, &  
cum non posset, saltem voluisse, reddere, Vale Antistes præstantissime &  
me amare perge.

NOMI-





N O M I N A  
E T  
S V C C E S S I O N E S  
A B B A T V M T R O C E N S I V M,  
L V C A S  
P r i m u s A B B A S T R O C E N S I S.

**L**VCAS nobili genere in Poloniâ natus, primos adole-  
scentiæ annos, in Tinecensi Asceterio, sub Instituto Di-  
ui BENEDICTI, vniuersorum Domino consecrauit. Ac  
paulatim, procedentibus annis ad Sacerdotij Ordinem,  
promotus, monasterij Trocensis in Lituania Abbas primus fieri me-  
ruit. Illo namq; temporis interuallo, Vladislaus Iagiello, cum  
Vitoldo fratre & cæteris Lituaniæ Proceribus, sacro baptismatis fon-  
te abluti, & fidei Christianæ sacramentis initiati, fidem Orthodo-  
xam flagranter amplificabant, & idolorum cultum inter gentiles  
funditus abolere enitebantur. cuius rei facilius perficiendæ gratiâ,  
Vitoldus in administratione Magni Ducatus Lituaniæ, à fratre Ia-  
gellone Rege Poloniæ permanere iussus, diuersos Ordinis Eccle-  
siastici Sæculares & Regulares viros ex Polonis in Lituaniam inui-  
tabat conducebatq; vt eorum sacris prædicationibus, & beatæ vitæ  
institutis, reliquiæ gentilitatis ex toto profligarentur. Quare cum  
Monasterium Ordinis Benedictini in veteri Troki Arce patriâ fieri  
procurasset, ad eius regimen & antistitium circa annum Domini  
MCCCCV. Lucam assumpsit quem Abbas Tinecensis cum suo Ca-



pitulo, de gremio sui Conuentus electum, eidem commendauerat. Fuit verò LVCA S, vir per omnia DEO deuotus, vitâ & conuersatione pius, doctrinâ & scientiâ clarus, qui à teneris annis, Omnipotentis DEI seruitio mancipatus, regulariter viuere sub deuotis præceptoribus didicerat: qui etiam in orationibus ad Dominum, semper fuit deuotus, in obseruantia mandatorum DEI sedulus, in promouendâ salute animarum fidelium studiosissimus. Porro, Trocensis noui Cænobij ordinatus Abbas, pristinae conuersationis rigorem in nullo minuit, sed vsque ad mortem in sanctis operibus perseuerans, inter Neophytos verè Apostolus & Mysta venerabilis extitit, & in omni suo conatu primam Religionis & rerum diuinarum sollicitudinem semper exquisiuit. Cuius sancta conuersatione homines delectati, vicissim seruum DEI omni officiorum cultu prosequi, pro animarum suarum remedio adire, verba vitæ & dogmata veræ fidei excipere, in more habebant. Anno dehinc 1415. Vitoldus Dux Lituaniæ, foundationem Trocensis Monasterij confirmauit, & LVCAE ABBATI donationem fecit solennem: cuius est iste tenor.

### Literæ Foundationis Monasterij Trocensis.

**I**N nomine Domini, Amen. Ad Perpetuam huius rei memoriam. Sanè tunc Diuina retributionis præmia, & temporalis prosperitatis augmentum, ineffabiliter nos consequi credimus; dum Ecclesijs & personis Ecclesiasticis, ad laudem DEI omnipotentis, munificentia nostra dexteram impartimur: ut ipsi, cultui diuino liberius vacare possint, & Creatorem nostrum, pro Nobis & nostris successoribus suppliciter exorare. Proinde Nos, ALEXANDER alias Vitoldus, DEI gratiâ Magnus Dux Lituaniæ, & Terrarum Russiæ, Dominus atq; heres &c. Significamus tenore præsentium, quibus expedit vniuersis, præsentibus & futuris, harum notitiam habituris: quomodo anhelantes Sanctam (per sacri baptismatis renouationem) assumptam fidem, pijs viuificare operibus, & meritorum præmia pro salutis nostræ compendio in æternitatis arario feliciter cumulare: Honorabili Viro Fratri LVCAE Ordinis S. BENEDICTI Abbati Monasterij in Antiquis Troki, ad honorem & ad laudem Omnipotentis DEI, & gloriose Virginis Annuntiationis MARIE, & S. BENEDICTI Confessoris, per Nos erecti, Fratribus, & successoribus suis pro cultu diuino deputatis vel deputandis, damus, conferimus, & in-

corpora-



corporamus perpetualiter, & in ævum presentibus confirmamus. Primo, DECIMAS omnium frugum Curia Nostra ibidem in Antiquis Troki, cum Auenâ & Feno: Aream cum duobus hortis, vnum, circa stratam qua mediat Castrum & hortum prædictum; & secundum circa cimiterium iacentem, & agellum circa Curiam. Item, villam quandam Smigalonis & Mosgalonis fratrum germanorum, & Vaskonum aliorum fratrum, circa Vakam fluuium sitam, cum omni iure & dominio, utilitatibus & pertinentiis eiusdem villa vniuersis. Et obstacula in Vaka fluuio facere, pro utilitate & voluntate Ecclesiæ & Monasterij supradicti. Item villam Obrowo dictam, cum totali tributo, venationibus, & utilitatibus vniuersis, quæ ad dictam villam nunc spectant, & in futurum spectare poterint meliori reformatione mediante. Item, lacum Korneko dictum in quem fluit fluuius, & in eiusdem fluuij medietate obstacula. & alias quacumq; fieri possunt utilitates facere, pro commodo & vsu Monasterij supradicti in Antiquis Troki. Quas quidem Decimas, areamq; agellum, villas, & lacum, suprafatus LVCA Abbas modernus, & sui successores, & Fratres Monasterij supradicti in Antiquis Troki habebunt, tenebunt, utifruentur, & possidebunt pacifice & quietè, perpetualiter & in ævum, harum quibus sigillum nostra Maiestatis est appensum, in robur & testimonium literarum. Actum & datum in Troki, seriâ quintâ ipso die Beati VALENTINI, sub Anno Domini MCCCCXV. per manus Nicolai Matdrzyk Notarij eiusdem Domini Magni Ducis Locus ✕ Sigilli. Hæ literæ habentur Tineciæ in Archivuo sub litera D. num: 1.

Ac tandem LVCA Abbas admodum venerandus, cum se in omnibus irreprehensibilem ministrum & moderatorem per annos nouem in Trocensis Monasterij regimine exhibuisset, & nihil penitus eorum neglexisset, quæ ad officium boni superioris quomodo pertinuissent, annis pariter & laboribus confectus, ad pacatiorem, post huius miseræ agonem superatum, vitam transiit, Anno Domini 1415. pridie Idus Decembris.

ALBER.



# A L B E R T V S Z E G O T H A, A B B A S II.



**ALBERTVS** morum & doctrinæ insigni commendatione clarus, Luca in Abbatia Trocensi successit. Hic prius in Tinecensi Monasterio multis laudabiliter peractis annis, Principi Vitoldo postulanti, ab Abbate Tinecensi in Lituaniam ad regendam Trocensem Domum transmissus fuit. Quem Princeps magno complexus affectu, Loci ordinario, eo verborum contextu, (cuius tenorem ex Archivo Tinecensi transcribo) presentavit instituendum.

*Alexander alias Vitoldus, Dei gratia Magnus Dux Lituaniae, ac Terrarum Russiae &c. Rendo in Christo Patri Domino Petro, eadem gratia Episcopo Vilnensi deuoto nobis sincere dilecto, salutem & perfectam in Christo Ihesu charitatem. Omnis mortalium cura, quamuis diuerso calore procedat, ad vnum tamen beatitudinis finem, nititur peruenire. Nos itaque cum mortales existamus, de salute animae nostrae & thesauro immarcescibili futura gloria sinceriter cogitantes, ad laudem Dei omnipotentis, & gloriose Virginis Mariae, Monasterium Ordinis S. BENEDICTI in patrimonio nostro in Antiquis Troki, pro augmento sanctae Fidei Catholicae, inter neophytos nostrarum Terrarum de nouo ereximus, & fundauimus, iuxtaq; donationem à nobis datam de super dotauimus, & priuilegijs nostris prout decet munuimus, & confirmauimus. Pro cuius quidem Monasterij regimine spirituali & temporalis, Religiosum Virum ALBERTVM Monachum Professum, nobisq; per Abbatem Tinecensem & per totum Conuentum dicti Monasterij Tinecensis canonicè electum, presentatum & transmissum, suscepimus, quem in Abbatem verum ibidem in Antiquis Troki eligimus elegimus & statuimus, Vestraq; Paternitati eundem dignum duximus presentandum: eandem Vestram Paternitatem requirentes sincero ex affectu, quatenus ipsum inuestire velitis de Monasterio supradicto & in Abbatem verum legitime confirmare, adhibitis alijs ceremonijs & solennitatibus circa*



circa talia fieri solitis & consuetis, prout ad Paternitatis Vestra officium pertinet pastorale: Harum quibus sigillum nostrum presentibus est appensum testimonio literarum. Actum & datum in castro nostro Trocensi in Vigilia Natiuitatis CHRISTI, sub anno eiusdem MCCCXVI. Per Nicolaum Matdrzyk.

Septennio verò in Trocensis Domicilij obsequijs demoratus ALBERTVS, vel tædio œconomicæ curæ fatigatus, vel quietis claustralis magis percupidus, Abbatia Trocensi vltro se abdicauit.



# I A C O B V S.

## A B B A S III.



Ost liberam resignationem Alberti, Fratrum Trocis residentium, concordibus votis, JACOBVS ob specimen virtutis spectatæ & suauitatem gratæ conuersationis, in munere Abbatiali est surrogatus, & ab Episcopo Vlnensi tunc agente in viuis confirmatus ac institutus. Quod cum factum esset, citra voluntatem Abbatis & Conuentus Tinecensis, ad quos Electio ex fundatione ipsâ spectare videbatur, nonnihil contradictionis & motuum sustinuit JACOBVS, quam tamen difficultatem breui post sustulit, suæq; promotionis approbationem, & consensum in eam, à Conuentu Tinecensi obtinuit; cum eâ morum commendatione floreret, quâ facile perplexam in alio sufficiendo Antistite deliberationem, abruperat. Consentientium in eius promotionem Tinecensis Domûs Fratrum, hæc nota in Archivo eiusdem Cænobij habetur.

Venerabili ac Reuerendissimo in CHRISTO Patri & Domino D. Matthiæ Dei gratiâ Episcopo Vlnensi, Stanislaus Diuinâ prouidentia Abbas Monasterij Tinecensis, Totusq; Conuentus Monasterij eiusdem, Ordinû S. BENEDICTI, Cracouiensis Diœcesis, orationum suffragia deuotarum, intimâ cum in Domino charitate. Quoniam quidem Venerabilis



Fr. & Dominus IACOBVS Abbas Monasterij Sancta Dei genitricis in  
 stare Troki per liberam resignationem Religiosi Viri Fratris Adalberti  
 dicti Zegotba, ultimi & immediati antecessoris sui, possessionem actualem  
 & realem Abbatia eiusdem, nec non intronisationem & confirmationem  
 à Rmo in CHRISTO Patre & Domino Dno. pia memoria Petro, ead-  
 dem gratiâ Episcopo Vilnensi, affectus est gratiosè: Nostro tamen prius  
 consensu literario non accedente: unde scrupulum in animo suo exortum  
 persanare volens, & accedens nostram presentiam humiliter supplicauit,  
 ut videlicet noster nostriq; Capituli consensus ad factum pradiatum acce-  
 deret favorabilis. Nos verò unanimiter capitulariterq; congregati, ex una-  
 nimi consensu pariliq; voce, prasatam resignationem, ut prasertur, posses-  
 sionem, intronisationem, & confirmationem innouamus, approbamus, con-  
 firmamus, rata omnia & singula habentes in eum, prout in literis videlicet  
 Resignationis & confirmationis Reuerendissimi P. D. Petri & c. plenius con-  
 tinetur. Insuper etiam concedimus & promittimus prasato Don. IACOBO  
 Abbati Staro Trocensi in fauorem Religionis nostra & Christianitatis au-  
 gmentum, assumendi ad Religionem & induendi quaslibet idoneas personas  
 pro Religione valentes, ad profitendum eos secundum morem Ordinis, au-  
 thoritate nostra quâ in hac parte iungimur speciali. In quorum omnium  
 confirmationem, & facti ratihabitionem, sigillum nostrum & Conuentus  
 nostri presentibus sunt appensa. Datum in Monasterio nostro Tinecensi, An-  
 no Domini Mccccxxix, Decimâ tertiâ die Mensis Octobris.

Jam verò Trocensis Ecclesiæ gubernationem, quamdiu idem  
 Iacobus retinuerit, non est facilè conijcere: videtur tamen à vero  
 non alienum, viginti circiter exegisse in eo Magistratu annos, &  
 eum laude domicilio illi praseditse.



N I C O L A V S,  
 A B B A S IV.



Ecce suo functus munere per annos septem, defun-  
 ctus seculo scribitur, die Decimâ quartâ Octobris,  
 Anno Domini, 1452.


A N D R E-



A N D R E A S,  
A B B A S V.




Oijt in Domino die 14. Septembris, quemadmo-  
dum Metricula Defunctorum continet, sed quo Anno  
incognitum est.



I O A N N E S,  
A B B A S VI.



E eo non constat amplius, nisi quod vltronee re-  
signasse dicatur.



M A R T I N V S,  
A B B A S VII.



I N re angustâ, robustum animum prætulit, difficultates  
omnes quibus premi cum contigerat, fortiter perferendo:  
neq; tamen modestiæ Religiosæ iniurius ipse, cuius præ-  
sidio, æquanimiter aduersa excepisse omnia prædicatur.  
Post superatos verò suæ patientiæ exercitatores, in agonem vlti-  
mum virium deductus, succubuit mortalitati, quarto Nonas Augu-  
sti Anno reparatæ salutis humanæ 1472.



A L B E R T V S II.  
A B B A S VIII.

\*\*\*\*\*  
A N D R E A S II.  
A B B A S IX.

**A** Liquorum hinc Abbatum Trocensium nuda duntaxat nomina recenseo, sicuti ea in Catalogo vetusto posita deprehendi: non quod parum secundi argumenti nomina censerī debeant, sed quia pleniori notitiā de actibus illorum destitutus, dubia minusq; explorata fidei in medium adferre nulla decreui. Scripturarum, verò necessariorum, circa res commemorandas, defectum abinde prouenisse existimo, quod perbreuis multorum seu vitæ, seu administrationis cursus, ob frequentes resignationes, prolixiorē materiam scribendi nequiverit suppeditare.

\*\*\*\*\*  
S T A N I S L A V S  
dictus Gaiek,  
A B B A S X.

**M** Ortus scribitur exeunte Anno Domini 1499.  
ad diem 15. Decembris.

BER.



# BERNARDVS DE WIELICZKA

A B B A S XI.

**S**I, quod vulgus spargit diuerbium, (*Principibus placuisse vi-  
ris non ultima laus est*) suam debet retinere auctoritatem:   
maximo illam testimonio fulciat virtus BERNARDI istius,   
qui ob præclaras animi dotes, magnam sui æstimationem,   
apud omnes, sed præsertim apud Sigismundum I. Regem Polonia-   
rum obtinuerat: cui non modo à consilijs, sed & à sacris confes-   
sionibus deserviebat. Is ante ingressum Religionis, iam Philoso-   
phiæ & Iuris utriusq; laureâ doctorali ornatus fuit: Post assumptum   
verò in Tinecensi Asceterio habitum Monasticum, insignem in   
rebus agendis prudentiam, pietatem in moribus, studium in omni   
regulari profectu, per annos aliquot vniuerso sodalicio Tinecensi   
abundè comprobavit. Ac demum occurrente vacatione Trocen-   
sis Abbatia, iudicio omnium, pargerendo ei muneri, illuc destinatus,   
alienæ expectationi sufficienter respondit. Anno autem Redem-   
pti orbis 1517. in viâ publicâ, iter Trocis Vilnam prosequens, à   
Tartaris Lituanicis serotinâ horâ inuasus, & rebus dispoliatus, à Re-   
ge Sigismundo & Priuilegij antiqui confirmationem, & nouam re-   
dituum accessionem obtinuit. cuius Priuilegij ista est forma ad   
verbum.

*In nomine Domini, Amen. Ad perpetuam rei memoriam. Con-  
cessionem Regum & Principum, illa verò præcipuè quas in hac vitâ huma-  
nâ, piâ deuotione mortalium fieri unquam contigerit, licet  
plerumq; illas permaneat, pro maiori tamen posterorum fide ac securitate  
personarum & ministrorum Ecclesiæ, per eos quoq; quibus demum fortunâ  
& Deo fauente dominandi culmen incumbit, literarum apicibus, & testium  
fide dignorum annotatione, roborari consueuerunt, tanquam æuo duratura  
sempiterno. Proinde Nos Sigismundus Dei gratiâ Rex Polonia, Magnus  
Dux Lituania, Russia, Prussia, Samogitiæq; &c Dominus & Heres. Si-  
gnificamus tenore præsentium quibus expedit vniuersis præsentibus & futu-  
ris, harum Notitiam habituris: Quomodo nomine Honorabilis & Religiosi*



**BERNARDI** de wieliczka Ordinis **S. BENEDICTI** Monasterij in An-  
 tiqua Troki Abbatis, nobis humiliter supplicatum est, ut sibi Priuilegium  
 Foundationis eiusdem Monasterij Originale, coram Nostra Maestate exhi-  
 bitum, potissimum autem, propter quandam casualem ab eiusmodi Priui-  
 legio sigilli abstractionem per Tartaros nostros, qui Vilna confuse euntes,  
 eidem Abbati obuierunt, literasq; seu Priuilegium eiusmodi ab ipso vi ac-  
 cipiendo sigillum ruperunt & abstraxerunt, ipsum omnibus spoliando: Au-  
 stantate nostra Ducali, innouare, ratificare, & confirmare dignemur:  
 cuius quidem Priuilegij tenor sequitur, & est talis. In nomine Domini  
 Amen. Ad perpetuam huius rei memoriam, sane tunc Diuinae  
 retributionis praemia, & temporalis &c. ut supra in Lucâ Abbate r-  
 positum est. Post cuius insertionem integram & fidelem; Sequitur  
 Nos itaq; Sigismundus Dei gratiâ Rex Poloniae & Magnus Dux Litua-  
 nia, supplicationibus eiusmodi tanquam iustis & Deificis satisfacere cupi-  
 entes, Hoc idem priuilegium Ecclesiasticum praeinsertum, de Nostra Cel-  
 stitudinis clementiâ innouandum, ratificandum & confirmandum duximus,  
 innouamusq; ratificamus, approbamus, & confirmamus, decernendo omnia  
 & singula praemissa, in eodem Priuilegio praeinserto, contenta & expressa,  
 robur debita firmitatis obtinere, tenore praesentium mediante. Praterca,  
 eidem Monasterio in Antiqua Troki & eius Abbatibus pro tempore exi-  
 stentibus, damus, donamus, perpetuè Decimam de omni grano, aurâ  
 exceptâ, post Curiam nostram Itgi, & duas terras seu campos desertos,  
 uidelicet Szakry & Siedliscze: eiusmodi Decimam & campos praefatos,  
 per eundem Abbatem & ipsius successores, habendi, tenendi, utifruendi,  
 pacificeq; & quietè possidendi, ac pro usu suo & Monasterij praefati, prout  
 sibi melius expedire videbitur, conuertendi. In cuius rei testimonium,  
 sigillum nostrum praesentibus est subappensum. Actum Vilna, feriâ se-  
 cundâ ante festum **S. CATHARINAE** proximâ, Anno Domini **MDXVII.**  
 Regni vero nostri Anno **XI.** Praesentibus Magnifico & Generoso, Nicolao  
 Nicolai Radziuit Palatino Vilnensi & Cancellario: Gregorio Oszkiewicz  
 Trocensi Palatino & Curia nostra supremo Marschalco; Stanislaw Janowicz  
 Castellano Trocensi, & Samogitia Capitaneo; Gregorio Ilinicz Capitaneo  
 Brestensi ac Nicolao Nimira Marschalco Nostro Magni Ducatus Litua-  
 nia & Drohicensi ac Mielnicensi Capitaneo, & Paulo Narusiewicz Notario  
 nostro, ceterisq; Dignitarijs, officialibus, & Curiensibus nostris, testibus circa  
 praemissa fide dignis, sincerè & fidelibus nostris dilectis. Datum per ma-  
 nus praefati Pauli Narusiewicz Notarij nostri fidelis dilecti.



Hac accessione Regiæ gratiæ non parum adiutus Bernardus, rem  
 Monasterij Trocensis meliorem reddidit: ac tandem laboribus con-  
 tinuis & morbo podagræ grauter confectus, postquam in admini-  
 stratione Trocensi annis viginti duobus summâ cum laude præse-  
 disset, spontaneè cessit Abbatiâ, Anno Domini 1530. ac triennio istâ  
 magna abstinentiâ & obseruantia solitudinis Cænobialis, præ-  
 cationibus instans, seq; ad iter æternitatis disponens, Sa-  
 cramentis Ecclesiæ munitus, bonorumq; operum  
 plenus, migravit ad Christum Anno 1533.  
 ibidemq; Trocis sepultus.



STANISLAVS

à Cracouiâ,

A B B A S XII.

**B**Enè iter solidâ virtute firmavit successoribus suis  
 Bernardus quandoquidem eodem loco beneuolentiæ  
 habitus est apud Sigismundum Regem, & præfens Ab-  
 bas STANISLAVS. qui è Priore Tinecensi in locum  
 Bernardi electus & ordinatus Abbas, grauitate, inge-  
 nio, ac eloquentiâ clarus operibusq; charitatis iugiter & indefessè  
 intendens, ac zeli & deuotionis specimen cæteris relinquens, annis  
 Viginti in regimine Trocensi expletis, maturus annis, cæloq; aptus,  
 migravit ex hac vitâ, Anno 1551.



FELIX SŁVZEWSKI,

A B B A S XIII.

Cele-





Elebri Sulimarum gente oriundus, ita natiuam-  
 generis claritatem, acquisito virtutum splendore in  
 monasticâ conuersatione apud Tineccenses cumulauit,  
 vt facîle vota Collegij eiusdem, de eligendo Antistite  
 Trocensi deliberantis, in se pertraxerit, regimenq;  
 loci illius, amâno Fratrum applausu, Anno Domini 1551, fuerit au-  
 spicatus. Vir ad secularium rerum magisteria tractanda, ingenio  
 acutus, œconomia domesticâ studiosus, bonorum Ordinis acer de-  
 fensor, sub quo Monasterium Trocense in ædificijs & cultura agri  
 profecerat, nec non consuetis exercitijs Regularibus & curæ anima-  
 rum per suam paræciam sedulò inuigilabant Fratres. Hic anno  
 Dominicæ natiuitatis 1558. confirmationem priuilegiorum præfati  
 Monasterij Trocensis à Sigismundo Augusto impetrauit; cuius  
 membranea charta in Tinecensi chartophilacio sub litera D. num 4.  
 asseruatur. Et tandem exactis in curâ & ministerio Trocensis Do-  
 mus Annis triginta, mortuus est Anno salutis fidelium 1580. die  
 26 Martij.

Gaudebant forti te defensore bonorum,  
 Troki, certus habet te duce limes agros.  
 Limes agris per te positus non limitet villo,  
 Etati patulum tempore laudis iter.



M A T T H I A S  
 G O R Y C Z K O W S K I.  
 A B B A S XIII.




Suzeuscium in Abbatiâ Trocensi secutus est Gorzyck-  
 kovski, Monasticarum virtutum cultor præcipuus &  
 charitati, humilitati, orationiq; magno cum seruire  
 deditus, ac prudens & pius dispensator, qui in tempore  
 opportuno præbuit alimenta suis. Quindecim prope annos, Tro-  
 cens



cenſis Eccleſiæ gubernacula tenuiſſe illum quorundam relatu cognovimus, tamenſi aliqui minori tempore contendant præſuiſſe.




C L E M E N S  
S I E R A D Z K I,  
A B B A S XV.

Vod Clemens nomini ſuo ſemper reſponderit, multorum testimonijs ſubnixa loquitur adhuc fama. Hic literis quanquam & artibus honeſtiſſimis non leuiter eſſet imbutus, ſtulticiam nihilominus illam (quam elegit Deus vt confundat huius mundi ſapientes) familiarem habuit, & ſimplex audiri apud homines, & non alto poni loco, neq; præconio cuiusquam celebrari, auidus totâ exhibuit virâ. Tribus itaq; vel paulò amplius annis, in Trocenſi gubernatione exactis, ſpontè Paulouio ceſſit, & reliquum vitæ Tineciæ peregit, charitate & animi ſimplicitate laudandus ſenecio.



T H O M A S  
P A W Ł O W S K I,  
A B B A S XVI.

Requentiſſima pariter & iucundiſſima huius Patris Tineciæ & alibi vernat recordatio. Qui in Tinenenſi cætu Religionem ſub Andream Brzechvva Abbate Regulari profeſſus, annis ſexaginta Octo, in Ordine



dine BENEDICTINO emensis, ætatis annorum nonaginta septem, salutiferæ verò Redemptionis anno 1653. integris planè sensibus & iudicij grauitate valens, dum orationi & contemplationi die 9. Ianuarij anni præallerti pluseulum indulgeret, seq; nonnihil erigere de sellâ, absente interim seruitore veller, labantibus pedibus ad terram concidens paralytiq; tactus, intra paucas horas silicernius homo & magnâ senectute confectus, expirauit. Is circa annum CHRISTI 1597. Trocensis constitutus Abbas, decorem domûs Dei amans, & ornamento Ordinis lociq; studens, Ecclesiam primum veteri situ squalidam & obscuram, excisione fenestrarum, Orientem & Occidentem versùs, tabernaculo, oratorio, suggestu, pavimento latericio, latiori porticu, apparamentis sacrarij & picturis varijs, Paulo v. pontificante, Benedicto Woyna Vilnensem, sedem tenente, exornandam curauit, Bibliothecam quoq; ad ornamentum eiusdem Trocensis Domûs, & Fratrum vtilitatem, libris studio vndique suo conquisitis, erexit & instruxit. Sacristiam antiquitate deformem (in quâ olim Kieystuti Ducis Lituaniæ calidarium & balneas fuisse tradunt) in venustiore formam redegit, profunditatem ipsius altitudine duarum vlnarum, terrâ repleuit, regulis strauit, armarijsque ad vsum commodiorem intrui procurauit: lura quoq; Monasterij & fundos, non minori diligentia conseruare studuit: quorum tuendorum causâ, sub tempus Commisionis, à Sigismundo iii Rege, inter ipsum Abbatem, & Mustapham Tribunum Tartarorum Lituanicorum, ad confinia vtriusq; bonorum Vaka distinguenda, indictæ & in actu Iudicij existentis, cum fortius in vicinos inueheretur Tartaros, tantam demum ab eis infestationem semper expertus est, vt vitæ suæ consultum esse volens, re & consilio cum Tinecensi Conuentu collato communicatoq; postquam annis octodecim rexisset Trokos, factâ resignatione iuridicâ, ad Koscielnensis Præposituræ in Maiorem Poloniam commigrauerit administrationem: in quâ vndeuiginti circiter occupatus annis, Ecclesiæ & Cœnobij illius benè auxit rem, libros comparauit, hortum amplitudine loci & arborum fruticumq; diuersitate insignem, obseuit & implantauit. Multis itaq; præclaris rebus, & ad loci Koscielnensis decorem & vtilitatem peractis, tandem quietis claustralis desiderio, Tineciam demigrans Bibliothecæ Cœnobij eiusdem curam ipse vsq; ad vltimam sui, obitus diem dili-



diligenter gessit, quam etiam libris egregijs per se coempris,  
ad perpetuam in O dinem & locum professionis suæ grati  
animi contestationem, insigniter locupletauit.




# I O A N N E S

## C H E L S T O W S K I.

A B B A S XVII.

**I**OANNES in Pawłowi, locum surrogatus, constan-  
tem sollicitudinem in traditis Cænobijs Trocensis  
negotijs perpetuò adhibuit, intra mentis suæ arcana  
reuoluens studiosè, ædificatam futuram, ædificatio-  
nem de concreta curæ suæ ouibus, deq; actibus su-  
is reddendam rationem. Nihil itaq; ex debito Pastoris officio præ-  
termisit, & sedulam operam circa curam Animarum Monasterio il-  
li annexam impendit. Hinc factum, ut cum anno 1625. grauis  
pestilentia in diuersis Lituaniæ partibus & villis grassaretur, Tro-  
censis quoq; vicinia, istâ clade infecta fuit, in tantum, ut passim  
præ violentiâ morbi perimentis, inter ambulandum homines ex-  
pirarint. quos cum ex charitate Christianâ, & debito sacerdotalis  
officij, nostri Trocenses procurarent, & lue extinctos tumu-  
larent, eadem percussî mortalitate duo primùm eximij Pa-  
trics JOANNES LOMZA, & PETRVS MELANIVS,  
Monachi virtutis emeritæ, postmodum & de fami-  
liâ domesticâ plures, ac ipse Abbas eodem  
ulcere interijt, vir alias sinceræ fidei & ar-  
dentis charitatis in omnes.





# M A R T I N V S

## M O R Z Y C K I,

### A B B A S XVIII.

**I**gitur postquam hominum consortio exemptus est Chelstovvski, successorem accepit, MARTINVM MORZYCKI Monachum disciplinae cultorem egregium, Fratrum amantem, beneuolum, Ordinis decus diligentem, bonum, commune Canobij promouentem, nec minus doctrinam & totius ornatum, nauumq; in omnibus Religiosum. Cuius regulam animi moderationem, & in gubernandis a se subditis prudentiam solertiamq; Tinecenses postquam eximia, eidem imposuerunt, et simul cum Trocensibus Prioris Tinecensis monasterii, Ceno- bioq; generali seruiret, ac totam Congregationem Abbatis Tinecensis titulo & officio moderaretur. Profuturum vixit & cum decore Tinecensibus aliquot annos: ac postmodum frequentia postulatione à Prioratûs molesto & arduo ministerio absolutus, cum Trocôs in Lituaniam rediisset, Anno 1634. Fundationem Piosunensem acceptauit. cuius copias ex authentico desumptas ad instructionem & notitiam posteritatis adiicio.

*Nouerint vniuersi praesens hoc publicum Instrumentum nostrum inspecturi lecturi & audituri; quod olim Generosus ac Magnificus Dominus Ioannes Klocki Capitaneus Miedzialensis, valens temporalem suam possessionem, in aeternam hereditatem animae suae bono conuertere, dum adhuc Dei gratiâ sanus mente & corpore, sensuq; discretus esset, Testamento omnium bonorum largitori Deo Deiparae Virgini, ac Diuo BENEDICTO, nec non mortalibus, immortalem voluntatem ac pium desiderium suum, manifestum esse voluerit; superuenientibus verò aegritudinis molestiis & appropinquantibus mortis angustiis: Nobis Georgio Tyszkiewicz Dei gratiâ Episcopo Samogitia precibus accersito, idem Generosus Dominus corpore quidem ager, compos tamen mentis & rationis, eandem suam ultimam ac piam voluntatem non minus testari, quam ut post obitum suum effectum sortia-*



tur, plenariam, circa eandem dispositionem, ad placitum nostrum in pium  
 usum pro DEI gloria & anima sua bono, commisit. Quam nihilominus  
 primariam suam voluntatem coram nobis declarauit, ut bona sua villa  
 sue pradij Pioszyny dicti pro fundatione Monasterij Ordinis S. BENEDICTE  
 in Diocesi Vilnensi cum omnibus iuribus, utilitatibus, prouentibus, atti-  
 nentisq;, qualiter ipsemet à Dominis Dougialis acquisiuit, cedant, eâ nihil-  
 ominis conditione adiectâ, ut superstite coniuge suâ Domina Sophia Iaskul-  
 downa, penes ipsam prædicta bona totaliter maneant, tantummodo ipsa  
 teneatur duos vel si fieri non possit, unum sacerdotem eiusdem Ordinis, qui  
 curam animarum exerceat, in iisdem bonis, iuxta prouisionem in Testa-  
 mento assignatam & expressam, quoadusq; vixerit alere & fouere. Post  
 obitum verò eiusdem Domina coniugis sue legitimæ, prædicti Venerabiles  
 Patres Ordinis S. BENEDICTI Monasterij Staro Trocensis (qualem  
 videlicet numerum Fratrum & Patrum, cum familiâ, ornamentis, rebusq;  
 omnibus necessarijs Ecclesiasticis, suis prouentibus bona supra dicta Pioszyny,  
 fufferre & commodè educare possint) acceptâ iam reali & actuali possessio-  
 ne bonorum supranominatorum, teneantur Cursum quotidianum Augustissi-  
 mæ Virginis MARIE, & quatuor intra quamuis hebdomadam Missæ sa-  
 crificia, iuxta intentionem Fundatoris testamento expressam Omnipotentis  
 DEO persolvere. Quod si Venerabiles Patres prædicti Ordinis sue volun-  
 tatis executionem suscipere grauarentur, plenum ius de iisdem bonis, pro  
 DEI gloria & anima sua bono, disponendi nobis commisit. Verum,  
 acceptâ declaratione & consensu, supradicta onera ab iisdem Venerabilibus  
 Patribus recipi, quem consensum sine sui Protho Abbatis Tinecensis, Illu-  
 strissimi videlicet ac Reuerendissimi Domini Henrici Fyrley Episcopi Pra-  
 misliensis acceptatione, dare nequiverunt, quam etiam idem Reuerendissi-  
 mus Protho-Abbas Tinecensis, Illustrissimo ac Reuerendissimo Lociordinario  
 Abrahamo Woyna Dei gratiâ Episcopo Vilnensi, literis suis authenticis  
 declarauit, rogando quatenus in suâ Diocesi prædicta bona piè legata pro  
 sui Ordinis Monasterio ratificare & perpetuò deputare velit. Nos, qui-  
 bus plenum ius & dispositionem circa dictam fundationem, piè defunctus  
 Testator commisit, primaria intentioni illius sese conformantes, eiusdem  
 Ordinis S. BENEDICTI Monasterij Staro Trocensis Patribus, Seu Re-  
 uerendissimo Abbati Martino Morzycki, quem auditione & vigore præsenti-  
 tis fundationis Abbatem esse perpetuum debitissq; insignijs Abbatialibus more  
 aliorum Abbatum Ordinis eiusdem, eo in loco, uti desidero & exopto, &  
 Conuentui ipsius Staro-Trocensi, oneribus supranominatis sese submittentis-



*his, prædicta bona villa Pioszuny, auctoritate nostrâ quâ hac in parte fungimur, unâ cum prædio, fundis, siluis, nemoribus, attinentijs, ac pertinentijs omnibus, nullis penitus exceptis, titulo perpetuo & irrevocabili resignando inscribimus, resignamus & applicamus perpetuis temporibus, salvo tamen iure aduitalitio Magnifica Domina piæ defuncti Domini Testatoris consortis legitima ipsius. Requirentes præterea ut obligationi cui venerabiles Patres voluntariè sese submiserunt satisfiat, videlicet, ut superstitute Magnificâ Domina Sophia Iaskuldowna Klocka, quoadusq; prædicta bona ad illos devoluantur, unum ex suo Ordine pro curâ animarum ordinariè administranda & pro solennioribus festis plures in quantum opus fuerit deputent, inherendo intentioni & ordinationi prouisionis certa per olim Magnificum Dominum Testatorem specificata & expressa. In quorum fidem præsentis manu nostrâ subscriptas sigillo nostro muniti fecimus. Actum & Datum Vilnæ Anno Domini 1634. Diè 16. Mensis Iunij. Præsentibus Admodum Reuerendis Dominis, Nicolao Blaszkowski secretario nostro, Scholastico Vindensi, Ioanne Dougiato Zarwissa S. T. doctore; & R. D. Christophoro Woytkiewicz Capellano nostro. Locus sigilli Georgius Episcopus Samogonia mpa.*

Tandem Martinus Abbas, quibuscumq; causis animarum suarum mouentibus stimulatus, Abbatiam quoq; Trocentem decreuit pro pace suâ dimittere & ad Cœnobium professionis remigrare: creuitq; paulatim concepta in mente cogitatio, donec eam consilio quorundam, tandem anhelus effectui mancipauit. Anno igitur 1637. de consensu Ordinarij, Abbatiam spontè & liberè Tinecensi Conuentui resignauit, & in eo usq; ad obitum suum permansit.


Decessit verò annò 1643, diè 27. Decembris, propè septuagenarius, in oratione & contemplatione assiduus, in pœnitentijs voluntarijs rigidus, paupertatis religiosæ amator præcipuus, & omnium virtutum ornatu insignitus.





# ALEXANDER NOWOMSKI,

A B B A S XIX.



**S**ingulari huius viri, Religionem in Deum, modestiam, parsimoniam, prudentiamq; in actionibus & moribus notam probatamq;, mortalium plurimi, cum inter eos versaretur, celebrare. Commendabat eum & ornabat vehementer, conuenientissima Præ-  
lato Regulari grauitas, quæ tamen si opinione quorundam à comitate distare longius videretur, nihilominus prudentiâ eius, ambæ ita coniungebantur, ac temperabantur, facilius ut fuerit eum in vtrâq; summum, quam in alterutrâ alterum quempiam excellentem statuere. Multa præterea & prædicanda Deus congererat in eum ornamenta, quorum ipse ego admirator fui, & ad quæ celebranda ac seræ posteritati ad imitandum proponenda, mirâ quidem effector cupiditate, sed cum elenchum tantummodo illius loci Abbatum suscepim scribendum non panegyricos, hunc conatum meum si DEO placuerit, vberiori tractationi ad Annales referuo. Porro in Trocensis Abbatia regimine constitutus Alexander Nowomski hereditariam sortem Zukonis non ita longè à possessione Monasterij distantem, duobus millibus pecuniæ coemit, templi pinnaculum laminis vestiuit, ædificia Monasterij instaurauit, sacrorum suppellectilè auxit, bona Pioslunensia à morte Dominæ Klocka, anno 1648. ad manus & possessionem Trocensis Conuentus officiosè recepit. Et quanquam tenuem admodum pauperemq; haberet prouentum, frugaliter tamen & pro monastica vocationis præscripto, rebus ad honestum vsum prudenter vtendo, & alijs easdem dispensando, quindecim millia pecuniæ corraserat, ex quâ nauim Ecclesiæ maiorem concamerare, & alia adornatum Monasterij conducentia perficere, medicabatur: sed quæ incertitudo vitæ, & bonorum propositorum tarda executio, pluribus incommodis ex Vilnensi conflagratione, & alijs domesticis disturbijs immeritò affectus afflictusq;, die 25. Maj, anno 1654. pie decessit de studio viuientium.

C A L E



# CÆLESTINVS

## L O P A C K I,

A B B A S XX.



Astellani Zakrocimensis prudentissimi senatoris filius & progenies, adolescens adhuc Diui BENEDICTI institutum in Tinecensi asceterio complexus, tali Ordine & loco dignissimum se præbuit. Ac primum suffragijs Fratrum ad Abbatia Orlouiensis procuracionem electus, plerosq; gentis Silesiticæ Comites & Nobiles viros, elegantia morum & officijs facile sibi deuinxit: quorum studio præsertim tempore, cum Sueticos exercitus, Cæsarianus miles depelleret. Exinde a demerui Alexandri locum, Cælestinus electus, Abbasq; Trocensis constitutus per Illustrissimum & Reuerendissimum D. Georgium Tyszkiewicz Episcopum Vilsensem insignijs Abbatialibus & Insulâ exornatus est, cuiq; generis excellentiam & omnium expectationem non male sustentauit. Inter-  
 rea Moscho intra Lituaniæ viscera irrupente, & igne  
 ferroq; omnia deuastante, Lopacius Gedanum  
 se receperat, ubi annum prope integrum  
 commoratus, dum in Lituaniam  
 iter relegeret, occultæ pestis  
 affectus malitiâ, in via ex-  
 pirauit 27. Octobris,  
 anno 1617.

\*\*\*\*\*


# S T E P H A N V S

## K O B I E R Z Y C K I,

A B B A S XXI.

Hic




 Ic verò qualem, in perardui & ob hostilem de-  
 solationem molestissimi procuracione muneris, De-  
 cimū iam Annū se præstet: quā vigilantia sacra-  
 rum legum, totiusq; Canobialis moris obseruationi,  
 studeat: quā sollicitudine, tam multa, tam varia, euer-  
 siq; Monasterij negotia, reparationem ac fortunas eius attritas  
 pertractet: quo affectu, quā humanitate in omnes feratur: quam  
 deniq; prudenti, atq; imperturbato animo agat omnia: suiq; semper  
 similis, & vnum eundemq; hominem ubiq; representans sit, quid  
 attinet dicere? perspicua sunt hæc, omnibusq; multo notiora, quam  
 vt mea, vel alterius cuiusuis narratione indigeant. Nihilominus  
 hoc solum in præsentī commemoratione, de Reuerendissimo hoc vi-  
 ro addere libet; nempe quod præborum Religiosorum preces ac vota  
 continuò moliri solent, vt optimi quiq; periclitantium Monasteri-  
 orum gubernaculis admoueantur: id certe nullibi locorum con-  
 sectum esse dico, si factum non est in Trocensi Prælatione. Vbi  
 ante annos decem, cum de eligendo Trocensi Abbate, in amplissi-  
 mo Conuentu Tinecensi ad quem ius eligendi pro veteri consue-  
 tudine spectat, prudenter deliberaretur, omnes in Kobierzyccium,  
 generis nobilitate, virtute animi, doctrinæ præstantiâ, vitæq; Reli-  
 giosæ exactâ obseruatione eximium, pariter conuenerunt, omnes  
 illi loco iudicarunt præficiendum eum, non qui dignitates sitierit,  
 suffragatores sollicitarit, aut oblati sibi honoribus & titulis late-  
 tur; sed qui à momentaneo splendore ac eminendi priuilegio  
 maximè alienus fuerit, & qui post Vnicioniensis, Koscelnensis, &  
 Pioslunensis Præposituræ, atq; Prioratus Tinecensis vltro neam di-  
 missionem, in sacro BENEDICTINO Ordine & Tinecensi Con-  
 gregatione priuatam deuotamq; vitam agere, subijci & parere  
 quam imperare maluit: adeoq; oblatam sibi Honoris cathedram,  
 & Insulam istam sanè coactus accepit. Quæ profectò oprata illius  
 inauguratio, omnibus nobis solatio est, omnesq; pariter recreat, cum  
 subinde singularis ipsius in rebus agendis dexteritas, disciplinæ Mo-  
 nasticæ zelus, frequens & assidua, in diuinissimo altaris sacrificio  
 peragendo deuotio, ab alijs deprædicantur, & ad nos, nostramq;  
 notitiam, multorum relationibus crebrius perferuntur: vt id vnicè  
 optandum agnoscamus, quatenus hunc prælatum, veri qui clau-  
 stralibus potestatibus præsunt, sanctissimæq; Religio- nis iura mo-



derantur, studijs & actionibus exprimendum sibi deligerent: si  
 inquam Maiestatem celsissimam assiduis comprecationibus conci-  
 piendis, non infrequentibus sacrificijs ineundis, augustè pieq; vene-  
 rarentur: populo suo veniam, pacemq; exposcerent: sacra recta  
 templorum, canobiorum, aliorumq; ædificiorum claustralium con-  
 seruarent: quemadmodum hic: cuius præterea innumera  
 aliæ virtutes, instar luculentissimæ facis supra candela-  
 brum positæ lucent, & omnes qui in domo sunt,  
 splendoris sui claritate perfundunt. Quem  
 nobis sospitem & incolumem Optimus  
 maximus DEVS seruet & foueat

*Ad multos annos*

*Fiat.*

\*\*\*\*\*  
 I N S C R I P T I O

*J N*

T R O C E N S I S T E M P L I

Frontispicio.



Emplum hoc, atq; Monasterium, in lau-  
 dem & honorem DEI Omnipotentis, sub  
 TRUNK ANNUNTIATIONIS B. MARIE  
 VIRGINIS & S. BENEDICTI Abbatis: per  
 Serenissimum Principem ALEXANDRUM VITOV-  
 DUM Magnum Ducem Lituanie, Anno CHRISTI  
 Mcccc. c. et. et. fundatum, ac dotatum est; Pri-  
 uile-



uilegijsq; ac redditibus ab eodem Duce VITOVDŌ  
Anno CHRISTI MCCCCXIV. & à Serenissimis Regibus  
Poloniæ & Magnis Lituaniæ Ducibus, Casimiro, Si-  
gismundo, Augusto &c. prout decet munitum & con-  
firmatum, Abbatiq; ac Conuentui Fratrum Ordinis  
S. BENEDICTI, Monasterij TINECENSIS, Diœcesis  
Cracouiensis perpetuò vnitum & incorporatum ita,  
vt pro regimine spiritali ac temporali huius  
Abbatiaë, nemo nisi ex ordine S. BENE-  
DICTI, quem Abbas Tinecensis cum  
suo Capitulo è medio Fratrum  
elegerit, ac Illustrissimo &  
Reuerendissimo VILNEN-  
si Episcopo præsentau-  
erit, possit  
assumi.





# INSCRIPTIO

ALIA.

In pariete eiusdem TEMPLI.



onsecratio huius Ecclesie post sui ere-  
nem intermissa fuit, Annis, Centum septua-  
ginta duobus: donec tandem Anno salutis  
1577. per Reuerendissimum Patrem & Do-  
minum CYPRIANVM Ordinis Prædicatorum Episco-  
pum Methonensem, Suffraganeum & Canonicum  
Vilnensem consecrata est, tempore Domini Felicis  
Skuzewski Abbatis Trocensis, Dominica post festum  
S. FRANCISCI, quâ & Anniuersarius celebratur





